

Oz e igl Gi da la pasch



SATEMBER

Igl Gi da la pasch

Co fas tei pasch? Forza cun dar igl mèn a gir: «Fagiainsa pasch?» Agl Gi da la pasch, igls 21 da satember, den tuts calar da cumbater l'egn l'oter. Igl guafens stuessan atgnameing tascher quieu que gi. Segl mund dat igl adigna puspe gearas. Blearas parsùnas moran. Martgieus a vischnàncas vignan destruieus. Famiglias ston fugir da lur datgea. Suainter las sgarschevlas gearas mundealas àn blears carstgàns getg: «Nus lagn mena ple geara!» Par la pasch trànter las tearas varda l'ONU – l'Organisaziùn da las Naziùns Unidas. Bunameing tut las tearas digl mund en cumembras la l'ONU. Mintg'on anturn igls 21 da satember fa l'ONU egna grànda

conferenza. Parquegl â ella declaro que gi sco Gi internaziunal da la pasch. L'ONU propona a tuts da far que gi egna minuta da silenzi, exact da miezgi. Tei sas ear malagear que gi simbols da pasch cun rida sen las veias a segls passapes. Igl pled rumàntsch «pasch» vean digl pled lategn «pax». Igl pled angles «peace», taliàn «pace» a spagnol «paz» en fetg samagliaints. Ancanuschas tei igl pled «pasch» ànc an oters lungatgs?




Tge e pasch?

Co fas tei pasch?


Tge calurs statan par la pasch?

Tge e bi ved igl far pasch?




Tge simbols da pasch ancanuschas tei?

Co fan igls teas geniturs pasch?



Crapa da pasch

- 1 Anquiera seglmains seat craps. Igl craps dessan easser ampo plats, blear ple grànds c'egna margreata masgola a ple pintgs ca la mir digl Brutus.
- 2 Calurescha mintga crap cun las calurs da la pasch. Las calurs da la pasch en las calurs digl artg da plievgia: violet, blau, cler-blau, verd, melen, oransch a cotschen.
- 3 Cur c'igls craps en sètgs, sas tei meter tuts an egn magiel da meal ad igl sarar cun egn urviercel. Egn satget near egn tastgeta va ear.
- 4 Mintg'ea ca tei sabaztgas cun anzatgi, sas tei tschincagear a quella parsùna egn crap par far la pasch. Tei sas ear far maletgs cugls teas craps da pasch: meta sei els an egn rudi, fe egn cor, fe egn smiley, fe egn figura anzemel cun la tia amitga, aaa.



udo peace
мир



fred paz
rauhaa
Frieden
paix uxolo